

永樂大典

卷七百二十

耶鄭以葛屨等五篇刺儉為一君。伐檀碩鼠刺貪為一君。蓋魏風非一世之作。自桓王之時。秦人圍魏。齊魯魯桓四。桓王十二。其國迫而侵削久矣。故譜以為平桓之世也。曾氏曰。魏晉皆有儉嗇之風。然其詩若作在獻公并吞以後。則其俗漸已荒侈。此詩每刺勤儉。知其在未并於晉以前也。張氏曰。此詩詩之林邑。講義。德者何中正不偏之謂也。李恕音訓。水經謂魏國西南並去大河可二十餘里。北去首山十餘里。處河山之間。故其土地迫隘。李公凱句解。葛屨詩篇名。刺褊也。刺褊者之偏急也。魏地陜隘。魏國之地。限隘而儉。其民機巧趨利。其民巧於智術。奔趨求利。其君儉嗇。偏急。其君吝而儉。嗇偏而疎急。而無德以將之。而無德以將大之也。蘇頌濱集傳。葛屨刺褊也。

汾沮洳刺儉也。其

君儉以能勤。刺不得禮也。

朱子集傳。此未必為其君而作。崔靈思集注。其君作君子。義雖

稍通。然未必序者之本意也。輔廣童子問詩中只說公路公行公族之官而已。初不會言及其君也。孔穎達正義。汾沮洳三章章六句。至得禮。正義曰。作汾沮洳詩者。刺儉也。其君好儉而能勤。躬自采萊。刺其不得禮也。陸德明釋文。汾沮洳。汾音扶。云反。水名也。沮音子預。反。加音如。預反。沮洳。

漸也。其君子一本無子字。李迂仲黃實夫集解。李曰。此詩言其君能節儉而且勤。勤且儉。非可刺也。但刺其勤儉之過。不中乎禮。故曰刺不得禮也。東萊呂氏讀詩記。孔氏曰。王肅孫毓皆以為大夫采萊。崔靈思集注。序云。君子儉以能勤。案今定本及諸本。序直云其君義亦得通。華谷嚴聚詩解。或以公行公路公族皆晉官。汾水又出於晉。疑魏風皆晉詩。猶邶鄘皆衛詩。非也。季札觀樂。邶鄘衛同為衛風。而魏唐異。譏知魏風非晉矣。園有桃李。有桃李畝之間。皆言國之侵削。非晉事也。疏曰。見諸詩記。林邑講義。此詩自言公族之儉。詩人謂雖化其君之儉勤。而不知本於禮度耳。非謂魏君之采莫采黃也。李簡詩學備忘。詩刺公路公行公族。而序刺其君者。亦一園之事。繫一人之本也。李公凱句解。汾沮洳詩篇名。刺儉也。刺魏君儉不中禮也。其君儉以能勤。魏君節儉。又能勤。勤者刺不得禮也。惟不中禮。所以刺之。蘇頌濱集傳。汾沮洳刺儉也。

園有桃李

時也。大夫憂其君國小而迫。而儉以嗇。不能用

其民。而無德教。日以侵削。故作是詩也。

朱子集傳。園小而迫。日以